



MODIFICACIÓNS DA CONVOCATORIA XERAL PARA PROGRAMAS INTERNACIONAIS DE MOBILIDADE CON FINS DE ESTUDOS

CURSO 2017-2018

1) No apartado 3.º REQUISITOS PARA PARTICIPAR NA CONVOCATORIA DE PRAZAS DE MOBILIDADE

EN A) OS REQUISITOS XERAIS PARA SER ADMITIDO/A NUN DOS PROGRAMAS DE MOBILIDADE REXIDOS POLA PRESENTE CONVOCATORIA SON OS SEGUINTES:

Engádese un punto 6. Que substitúe ao punto d) do apartado **B) OS ESTUDANTES QUE PARTICIPEN NO PROGRAMA ERASMUS+ DEBERÁN, ADEMAIS, CUMPRIR OS SEGUINTES REQUISITOS:**

6. No caso das solicitudes para participar en programas de mobilidade internacional de dobres mestrados, o estudante poderá cubrir a solicitude no primeiro ou no segundo prazo da convocatoria e deberá aportar un escrito no que se compromete a solicitar praza no mestrado correspondente e a entregar a súa aceptación definitiva no mestrado nun prazo máximo de 15 días desde a publicación (Anexo IV).

Engádese o punto 7

7. Non ter aceptada unha praza de mobilidade nos anteriores prazos da *Convocatoria de mobilidade de estudantes para o curso 2017/2018 para realizar estadias con fins de estudos*. Entenderase, de xeito automático, que calquera estudante que presente unha solicitude de praza de mobilidade no segundo ou terceiro prazo da convocatoria para substituír a praza concedida inicialmente, renuncia á praza de mobilidade que se lle concedeu nos prazos anteriores. **A praza inicialmente adxudicada quedará vacante polo simple feito de volver a presentar a nova solicitude de mobilidade nun prazo posterior.** O estudante non poderá recuperala en ningún caso, aínda que non se lle conceda ningunha das prazas solicitadas no(s) seguinte(s) prazo(s).

A redacción definitiva do punto **3.º REQUISITOS PARA PARTICIPAR NA CONVOCATORIA DE PRAZAS DE MOBILIDADE** quedaría como segue:

3.º REQUISITOS PARA PARTICIPAR NA CONVOCATORIA DE PRAZAS DE MOBILIDADE

A) OS REQUISITOS XERAIS PARA SER ADMITIDO/A NUN DOS PROGRAMAS DE MOBILIDADE REXIDOS POLA PRESENTE CONVOCATORIA SON OS SEGUINTES:

1. Estar matriculado/a nun centro propio ou adscrito da UDC co fin de realizar estudos conducentes a un título oficial de grao, mestrado ou doutoramento no momento de presentación da solicitude. De non estar aberto o prazo de matrícula na titulación en que se pretende realizar a estadia no momento de presentar a solicitude, o/a estudante poderá participar na convocatoria sempre que, polo menos, estea admitido/a na titulación para a

que solicita a praza de mobilidade. O/a estudante que pretenda realizar a mobilidade durante o grao, debe estar matriculado/a nun curso superior a primeiro no momento de iniciar a estadía.

2. O/a estudante pode realizar un total de dúas mobilidades con fin de estudos na mesma titulación de grao, posgrao ou doutoramento sempre que ningunha delas supere os seis meses de duración. No caso de que algunha superase este límite o/a estudante só poderá realizar unha. O/a estudante dunha titulación non adaptada ao EEES que accedera á súa equivalente no EEES para rematar os seus estudos considerárase que continúa facendo a mesma titulación.
3. A estadía debe cumprir os requisitos propios establecidos por cada centro publicados na web. Ademais, toda estadía debe ter a posibilidade dun recoñecemento académico suficiente. O/a estudante comprobará a existencia desta posibilidade de recoñecemento académico suficiente dirixíndose á persoa responsable de relacións internacionais do seu centro.
4. O/a estudante deberá cumprir os requisitos de idiomas que se regulan no artigo seguinte da presente convocatoria.
5. Os estudantes con nacionalidades estranxeiras deberán ter o NIE en vigor desde o momento da solicitude da mobilidade ata o remate desta.
6. No caso das solicitudes para participar en programas de mobilidade internacional de dobres mestrados, o estudante poderá cubrir a solicitude no primeiro ou no segundo prazo da convocatoria e deberá aportar un escrito no que se compromete a solicitar praza no mestrado correspondente e a entregar a súa aceptación definitiva no mestrado nun prazo máximo de 15 días desde a publicación (Anexo IV).
7. Non ter aceptada unha praza de mobilidade nos anteriores prazos da *Convocatoria de mobilidade de estudantes para o curso 2017/2018 para realizar estadías con fins de estudos*. Entenderase, de xeito automático, que calquera estudante que presente unha solicitude de praza de mobilidade no segundo ou terceiro prazo da convocatoria para substituír a praza concedida inicialmente, renuncia á praza de mobilidade que se lle concedeu nos prazos anteriores. **A praza inicialmente adxudicada quedará vacante polo simple feito de volver a presentar a nova solicitude de mobilidade nun prazo posterior.** O estudante non poderá recuperala en ningún caso, aínda que non se lle conceda ningunha das prazas solicitadas no(s) seguinte(s) prazo(s).

B) OS ESTUDANTES QUE PARTICIPEN NO PROGRAMA ERASMUS+ DEBERÁN, ADEMAIS, CUMPRIR OS SEGUINTE REQUISITOS:

- a) O programa Erasmus+ só permite a cada persoa participar na mobilidade durante doce meses en cada ciclo. Deste xeito, o/a estudante que xa realizara unha mobilidade de prácticas Erasmus no mesmo ciclo que está cursando ao presentar a súa solicitude non poderá acceder a unha mobilidade con fins de estudos que, sumada ao período previo de prácticas, exceda dos anteditos doce meses.
- b) É indiferente para os efectos da aplicación da regra anterior se o/a estudante realiza a mobilidade con ou sen bolsa.

c) Os estudantes deberán cumprir con todas as demais obrigas que impoña ou poida impoñer no futuro o programa Erasmus+. As regras deste programa pódense consultar na páxina web da axencia encargada de xestionar o programa en España, o SEPIE, (www.sepie.es).

2) No artigo **6.º COMO SOLICITAR A MOBILIDADE. PRAZO E LUGAR DE PRESENTACIÓN DAS SOLICITUDES**, apartado **A) COMO CUBRIR A SOLICITUDE**, engádese un punto 7 que di:

7. Os estudantes non poderán solicitar prazas onde o número restante que figure na oferta sexa 0.

Cancelaranse de oficio as solicitudes daqueles estudantes que tendo concedida unha mobilidade no primeiro prazo da convocatoria queiran solicitar unha nova mobilidade no segundo prazo da convocatoria para substituír a anterior.

3) No artigo **9.º ACEPTACIÓN E RENUNCIA**, punto 2, engádese a obrigatoriedade de que o estudante presente unha conta bancaria aberta en España de que é titular ou co- titular. A redacción quedaría como segue:

9.º ACEPTACIÓN E RENUNCIA

2. Xunto co documento de aceptación da mobilidade adxudicada, as persoas seleccionadas solicitantes de axudas financeiras Erasmus+ ou Bilaterais, deberán entregar na ORI os seguintes documentos:

- Copia DNI/NIE
- Certificación orixinal do IBAN da conta bancaria aberta en España da que o solicitante é titular ou co-titular.
- Modelo de alta bancaria debidamente asinado, segundo o modelo dispoñible no enderezo: http://www.udc.gal/ori/inf_estudiantes_UDC/Formulariosespanoles/

4) Engádese un punto novo **20.º CUARTO PRAZO** no que se establece un cuarto prazo aberto dentro da convocatoria que abrangue desde o 1 de outubro ata o 31 de decembro de 2017. A redacción quedaría como segue:

20.º CUARTO PRAZO

A convocatoria permanecerá aberta desde o 1 de outubro ata o 31 de decembro de 2017. O estudiantado que solicite unha mobilidade neste prazo será convocado por medio do correo electrónico da udc, para vir á ORI a efectuar a súa aceptación na data e coa documentación que se lles indique nesa comunicación. En calquera caso a aceptación deberá realizarse 5 días hábiles antes do prazo límite indicado pola Universidade de destino.

5) Modifícase o Anexo IV para incluír os requisitos especificados no apartado 4B:

ANEXO IV

MODELO DE COMPROMISO

SOLICITUDE MESTRADO BILATERAL ESPECÍFICO

D/Dona: _____ DNI: _____

Dirección _____

Código Postal _____

Localidade _____ Teléfono/s _____ / _____

Email: _____

COMPROMÉTOME:

- a solicitar praza no Mestrado:

.....
.....

da (nome do centro)

da Universidade da Coruña nos prazos indicados na normativa académica;

- entregar na ORI a aceptación definitiva xunto coa restante documentación requirida pola convocatoria, nun prazo máximo de 15 días desde a súa publicación;

- cumprir os requisitos especificados no punto 4A, 4B ou 4D da devandita convocatoria.

E para que así conste asino o presente documento en

A Coruña, de de

(Asinar)

SRA. VICERREITORA DE INTERNACIONALIZACIÓN E COOPERACIÓN

